

**Бухъна махъила лягІнат**

Янила къанси дуги. ТІашбизагарли дашути хъатгъунти дяхІила пусли.  
БугІярдеш. Алавчар – вацІурбани дерхъибти улгу-мина ва хумарси лехІдеш.

Хала хІеркІла дублабси буркъа махъила мицІирдешличила балахъуси  
цацун биштІаси улкъай сабри: илра, бишес хІядурси чирагъван, шавлали дура  
хІербикІулри ва цІябдешлизиб белгъулри. Ил дуги Ирбагъин-адала махъилизи  
кахси балагъ хъурабиублири: илала левси ца урши ГІябдулхІямид  
таманкайублири. Урца тахличибси жаназала мякъла кайили, ухъна къутІкъули  
висулри, замана-замана руржуси някъ уршила дяргІибти дяхІличи арбихулри  
ва сунези сай викІулри: «Се барри хІуни, дила урши, се барри? Чис  
гъанбиркусири...».

ДуцІарти нургъби тІашбизагарли хІяна муцІурличи гердулхъулри ва  
зумати гъезлизир делгъулри. Итдицад дусми деркІибси, итдицад вай-гІяхІ  
чедаибси ухънани илди бегІ гъалар тІашаэс хІейрулри, урунжла шинван  
делгъхІеделгъули, сари-сарил датдирхъулри. Махъилизив илала децІ бутІеси  
царил адам аги. Бишес хІядурси анкъила гъалаб гъанкІбикІуси бухъна житали  
рах-магли халати хІулби ибхъулри ва, сунела вегІличи суалбикІухІеливан  
хІербилзули, гъанкІбикІес даимбирулри. ЦацахІели лац ургабси дярхълизирти  
мазала мела ва хъехІла тІама-гъама чедихулри.

(143 слова)

(И. Ибрагъимов)